



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Iudicium De Articulis Confessionis Fidei Anno M. D. XXX.  
Caesar. M. Augustæ exhibitis, quatenus scilicet à  
Catholicis admittendi sint aut reiiciendi**

**Hoffmeister, Johann**

**Coloniæ, 1559**

**VD16 ZV 17723**

Excussio Praefationis Philippi Mel. Confessionis August. praefixae.

**urn:nbn:de:hbz:466:1-34289**

# EXCVSSIO PRÆ- FATIONIS PHILIP-

PI MEL. CONFES-  
sioni August.  
præfixæ.



**Q**uoniam Philippus Me-  
lanchthon huius confes-  
sionis, quam excutere  
& probare iam aggre-  
dimur, Architectus, nusquã nõ stu-  
det simplicioribus persuadere, Ca-  
tholicos quidquid contra ipsorum  
dogmata instituunt, non ex pio quo-  
dã zelo, sed ex odio veritatis insti-  
tuere, nõ putauimus vel illius præfas-  
tionẽ quam libello Confessionis præ-  
fixit, intactam nobis prætereundã  
esse. Quis enim non videat quantas  
Philippus ostētet glorias, quã spes-  
ciosos Triumphos? utinam confessio

B

& huc



## EXCVS. PRAEF.

& huius Apologia tantum haberet  
 pietatis, quantum habent eruditionis  
 & eloquentiae: quamuis & hanc  
 ipsam habeat verbosiorum & loqua-  
 ciorum, quam patientissimus etiam  
 lector patienter legere queat. Sed quid  
 D. Augustinus? Valde sunt noxia,  
 inquit, prava diserta, quia homini-  
 bus minus eruditis, eo quod diserta  
 sint, videantur & vera esse, &c. Te-  
 statur porro Philippus, aut vanè po-  
 tius gloriatur se suosque nullum dogma  
 contra auctoritatem scripturae sanctae,  
 & Catholicae Ecclesiae professos, sed  
 iure optimo abusus quosdam sustulis-  
 se. Sed de dogmatis in ipsa collatione  
 videamus. abusus nostros sic repre-  
 henderunt & emendarunt, ut longè  
 plures minusque tollerabiles ad ipsos  
 dimanasse, aut potius apud ipsos suc-  
 creuisse, illi ipsi reformatores & fa-  
 teantur

Ad Petrum  
 presbiterum  
 lib. 2, ca. 1, 2



PHILIP. MEL.

teantur, & nusquam non deplorēt.  
Adfert autē Philip. hic nonnullum  
suae restauratæ Ecclesiæ specimen.  
De Iusticia, inquit, fidei omnia Tē-  
pla, Monasteria, Scholæ, denique  
libri omnes Theologorum recen-  
tium antea muti erant, &c. Si recen-  
tiores Theologos vocat eos quos no-  
bis Scholæ Luth. obtrudunt, nihil  
verius dici potest. Isti enim sic tradi-  
derunt Iustitiam fidei, ut neque iu-  
stitiæ, neque fidei, neque operum  
vllam certam rationem adtulerint.  
Et tu ipse in Cōfessione & eius Apo-  
logia, multa ex Catholicis recētiori-  
bus insar sisti, quoniam ex istis didi-  
cisti: quæ tamen alijs vestiviisti plu-  
mis, tum quod veritatē Ecclesiæ in-  
vides, tū etiā, quod te pudet eorū per  
quos pfeceris. Sed hæc progressū ap-  
tiora faciet. Sic pænitiētiæ doctrina d

B 2 vobis



## EXCVS. PRAEF.

vobis restituta est, ut merito uos iam  
 huius penitere debebat: Immo iam  
 olim penituit, quod uestrae testan-  
 tur querelae, quibus deploratis quod  
 maior fuerit disciplina in Papatu  
 (sic Ecclesiam Catholicam vocant)  
 quam in conuenticulis uestris. Sa-  
 tisfactiones uestrae a vobis deprae-  
 dicatae, vulgi oculos forsitan occluserunt  
 quid verò & quantum in conscientijs  
 hominum profecerunt, res ipsa cla-  
 mat. Sic sacramentorum virtutem &  
 numerum repurgastis, ut inauspica-  
 tissimas Sacramentarium haereses  
 & nos & vos vix sustineamus. Et  
 haec inter vos Lutherani & Sa-  
 cramentarij digladiamini, ut non im-  
 merito dicamus, quod alibi Hilaris-  
 us. Haeretici, inquit, contra Eccle-  
 siam veniunt, sed dum haeretici om-  
 nes se inuicem vincunt, nihil tamē  
 sibi

Lib. 7. de  
 Trinit.



PHILIP. MEL.

sibi vincunt. *Victoria enim eorum, Ecclesie triūphus ex omnibus est, dum in eo hæresis cōtra alteram pugnat, quod in hæresi altera fides Ecclesie dānat. Nihil enim est, quod hæreticis cōmune est. Hæc ille. Hoc autem quàm verum sit in negotio sacramentorum, à multis demonstratum est iam olim, & in sequentibus etiā nos nō nihil eius generis adijcimus. Sic Traditiones humanæ à vobis repurgatæ sunt, vt in harum locum nō meliores, sed impias, & (sicut tu ipse alibi conquestus es) merè barbaras substitueritis. Ecclesiasticam itē politiam non dissoluiſtis (si vobis credimus) sed omnia in eū statum redacta sunt, vt antea nunquàm quisquam licentius vixerit sicut nunc Evangelicis. viuūt. Te statur, immò cōqueritur hoc Impe-*



EXCVS. PRAEF.

rator, testatur huius frater Rex ve-  
 re Catholicus, testantur Principes  
 Orthodoxi omnes, deplorat tandem  
 hoc ipsum totus mundus: & vos ipsi,  
 velitis, nolitis, diffiteri non potestis.  
 In hoc solo triumphatis. scilicet quod in de-  
 prehendendis peccatis nostris Lyn-  
 ceos habetis oculos, ad vestra vel vi-  
 denda vel corrigenda talpis ceciores  
 & piscibus magis muti estis. Sed  
 quid iuvat sic gloriari de nostris  
 peccatis, sic insultare nostris infir-  
 mitatibus, sic nostra quae non potestis  
 curare, vulnera exasperare? Dicim<sup>9</sup>  
 vobis nomine Ecclesiae et filiorum eius,  
 quod olim Divus Augustinus Ma-  
 nichaeis dicebat, Nunc vos illud  
 moneo, inquit, ut aliquando Eccle-  
 siae Catholicae maledicere desina-  
 tis, vituperando mores hominum,  
 quos & ipsa condemnat, & quos  
 quotidi-

de morib<sup>9</sup>  
 Manicheo  
 lib. 1. c. 34.



PHILIP. MEL.

quotidie tanquam malos filios corrigere studet. Quod ad Abusus attinet, eundem Augustinum audi. Abusus si qui sunt, nō asperè quātum ego ex istimo, non duriter, non modo imperioso tolluntur: magis docēdo quān iubendo, magis monendo, quān mutando &c. Sub finem præfationis rogat Philipp. ne boni viri de ipsius ex Aduersariorū (sic nos vocat) scriptis iudicare velint, sed prius audire totam ipsorum causam &c. Quid ad hæc dicemus? Iniqui certè sunt iudices, & bonorum virorum appellatione indigni, si qui sunt qui innocentes non audita tota causa condemnare porrexerint.

Aurelio  
Epist. 64.

Atqui si Diuo Augustino credimus, Hæreticorum veterum & nouorum vox est, ipsa consuetu-

Con 2.  
eaidem.  
Epistolam  
li. 5, cap. 1.

B 4 dine



## EXCVS. PR. AEF.

dine iã sordidata atq; protrita, se scilicet sustinere inuidiam p̄ veritate. Deum prouocant ad Conciliũ. Respondemus rursus Augustini verbis. Aut verò congregatione Synodi opus erat, inquit, vt aperta pernitie damnaretur, quasi nulla hæresis aliquando, nisi Synodi congregatione damnata sit: Verùm istorum superbia, hanc gloriam capere intelligitur, vt propter illos Orientis & Occidentis Synodus congregetur, &c. Sic ille cõtra pelagianam hæresim. Ad cõciliũ, inquam prouocant, quod tamen nunquam patientur, ludicem nisi compertissimum habuerint. Ius definiendi ad suos cessurum esse, hoc quod Deo suam Ecclesiam protegẽte, nunquam fiet. Sed quid opus est multis cõcilijs? Dogmata de quibus controuertitur, immò quæ illi impuden-

Con. duas  
Epistolas  
pelag. lib.  
6. c. 20.



dentissime impugnant, iam olim vē-  
 tilata & excussa sunt. Si ergo stare  
 volunt conciliorum decretis, vetu-  
 stiora audiant: nec sic audiant, ut e-  
 tiam illa pro sua animi nō bene cōce-  
 pta libidine vel eleuare vel porrò dā-  
 nare aīn inducant: Sic enim facere  
 solēt, si quando, quod ferè semper fit  
 Cōcilia illis cōtradicūt. Meminerint  
 itē eius, quod ille dicebat in historia  
 Ecclesiastica. Disputatio nō solum  
Schisma nō vicit, sed etiā hareses ad  
maiores cōtētiones adducit. Vocabā-  
 tur olim Arriani ad cōciliū, atq; hii  
 venire nolebāt nisi prius expulsis A-  
 thanasiacis et Paulimanis. Sic vere-  
 or & aduersarios nostros in nullū  
 cōsensuros Conciliū, nisi in quo Pōti-  
 ficij, hoc est, Catholici nō habeāt ho-  
 nestū et se dignū locū. Sed hæc hæc te-  
 nus. Ceterū hoc loco rogatos velim

B 5 Prin-

disputatio  
 cum ha-  
 resibus  
 et schismate



## EXCVS. PRAEF.

Principes viros qui Confessione huic nomen dederunt, ne libertati meae in Patrocinio veritatis succēseant, sciātq; hic nihil dici in se, sed omnia in illos qui nobis has turbas dederūt in S. Ecclesia: Nam & ipsi, ni fallor, non aliter credunt, atq; à suis Ecclesiasticis edocti fuerunt. Et si meminerint Cæsarem, Regem, Principes & Status adhuc à nobis stare, hosque (sicut ipsis sui persuasisse videtur) à nobis seductos: nō succenseāt mihi si dixero & ipsos à suis seductos esse. Nihilo enim facilius seduci potest Imperator, quā alius quispiā ex principibus viris. Det Dominus vt omnes in viam verè redeant, det vt Ecclesia in illo bene cōueniat, det omnis vt tollatur dissēsiō, & videamus pacem super Israel omnibus diebus vitæ nostræ, Amen.

ARTICV.